

火盡開顏

與西巖張閑話

莫問林泉莫問山清虛都在片心間若能常把人情遠遠盡人情便是閑

題新張村庵

身輕豈慮天涯遠性靜何愁地角賒京兆歸來當仲夏清庵快意日將斜

答楊漢卿

青霄有路果能攀要識真閑非等閑情性磨礱離四相調和真息透三關

道藏輯要

葆光集

三

胃集十

題馬谷觀音閣

馬谷來時正暮秋一溪雲水好程頭衆人不解予心樂飯罷從容獨上樓

儒士郭公以詩求安樂法

浩然一點要方圓直養無私滿大千變化往來三界外何愁耳順不延年

登前高山

地角天涯在目前前高堪作畫圖傳有人來問予名字無數松間一散仙

前高山得平遙眾官請書遂寄